



Inatsisartunut ilaasortaq,
Mariane Paviasen, Inuit Ataqtigiit.
Maani/

**Aalisarneq pillugu isumasioqatigiinnermut tunngasunik § 37 naapertorlugu
apeqqutinut nr. 118-mut akissuteqaat**

Ulloq: 02-06-2022
Suliap normua: 2022 - 11966
All. nr. 20282040
Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Inatsisartut suleriaasianni § 37-mi imm. 1 naapertorlugu Aalisarneq pillugu isumasioqatigiinnermut tunngasunik Naalakkersuisunut apeqquteqarputit. Apeqqut suliassa-qarfisannit akineqartussanngorlugu innersuunneqarpoq.

**1. Kujataani aalisarnermi ineriartortitsinissamik naalakkersuisut sunik
pilarsaaruteqarpat?**

Pineqartoq 1) Kujataani aalisarnerup piniarnerullu ineriartortinnissaannut tunngasunik iliuuserineqarsinnaasunik Naalakkersuisut maannakkorpiaq suliqartitsipput. Taakku piareeripata kommune aalisartullu suleqatigalugit suliniuteqarnerit nanginneqassapput. Iliuusissat susassaqtut peqatigalugit suliarineqareerpata Naalakkersuisut ilisimatitsiumaarput.

**2. Aalisakkat tulaassorneqartut qeritiinnariarlugit avammut nassiuunneqar-
tarnerat allanngortinniarlugu, naalakkersuisut nunatta iluani annerusumik
suliareqqiinnermik ingerlatsinissamut periarfissarsiuusinissamut
pilarsaaruteqarpat?**

Pineqartoq 2) Aalisakkat qaleruallilu atorluarnerunissaannut periarfissat pillugit Naalakkersuisut aalisarnermut ingerlatseqatigiiffinnik ataavartumik oqaloqateqarput.

**3. Nunatta iluani aalisakkanik suliareqqiinneq pisisartunut apuuteriaan-
nangorsaaneq sukut aporfeqarami taamanna annersumik
atorneqanngila?**

Pineqartoq 3) Suliffissuarmi tamakkiisumik suliareqqiilluni ingerlatseqatigiiffiup tunisassiornianninneranut peqquataasut arlaqarsinnaapput. Suliffissuarni assigiinngitsuni ilivitsumik ilaannakortumilluunniit suliareqqiilluni soq tunisassiortoqartarnerisooq ingerlatseqatigiiffiit kisimik akisinnaavaat. Taamaattorli suliffissuit arlaqartut ilivitsumik tunisassiortarmata erseqqissaatigineqassaaq, tamatumani tunisaq suunersoq aamma apeqqutaasarpoq, assersuutigalugumi suliffissuarmi pineqartumi ataatsimi saarullik niaquigaq qeritinneqarnikuusorlu tunisassiarineqarsinnaavoq kiisalu nipisat suai tamakkiisumik suliarineqareersut tunisassiarineqarsinnaallutik.

4. Kujataani aalisarneq pillugu isumasioqatigiittoqarnissaannik pilersaaruteqartoqarpa?

A) Taamaappat qaqugu tamanna pissanersoq naatsorsuutigissavarput?

B) Pilersaarutaasimangippat suna pillugu kujataani isumasioqatigiinnissamik pilersaaruteqartoqangila?

Pineqartoq 4) Kujataani aalisarneq pillugu isumasioqatigiittoqarnissaannik Naalakkersuisut pilersaaruteqanngillat. Aalisarneq pillugu isumasioqatigiinnerit martsip qaamataani nunarput tamaat eqqarsaatigalugu ingerlanneqarput, tamatumani kujataani sinniisut kattuffinneersut aalisarneq pillugu Nuummi isumasioqatigiinnissamut qaaq-qusimapput. Tassani sinniisut arlaqartut peqataapput, sinniisullu Kalaallit Nunaata sinneraneersut assigalugit aalisarneq pillugu inatsisissamut isummaminnik saqqummi-ussinissaminnut periarfissinneqarlutik. Siusinnerusukkut nalunaaruteqarsimanittut aalisarneq pillugu inatsimmik suliniuteqarnermi alloriarneq tulluuttooq tassaassaaq isummersornerit aalisarneq pillugu isumasioqatigiinnerni aallarnerneqartut nangingeqarnissaannut nunatsinni angalanissara. Taamaaliorniarninni aalisarneq pillugu inatsisissamut tunngasunik kisiannili aamma sammisanik allanut attuumassutilinnik aalisartunik, tunitsivinnik borgmesterimillu oqaloqateqarniarlunga Nanortalimmut, Qaqortumut Narsamullu juunip qaammataata naalernerani ornigutissaanga.

Inussianersumik inuulluaqqusillunga



Karl Tobiassen

Aalisarnermut Piniarnermullu Naalakkersuisoq